



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XX. Gregorii Papae I. Ad Fortvnatvm Et Anthemivm. Desponsatam
in monasterio conuersam nullo damno mulctandam.

urn:nbn:de:hbz:466:1-15221

scere. Consolare autem eum, ut se non affligat; quia credimus quod nos dilectissimus atque excellentissimus filius noster exarchus non contristet. Nam de persona ipsius scribere non distulimus. Sed quia in Pado idem exarchus occupatus est, minime scripta eius suscepimus.

EPISTOLA XX.

GREGORII PAPÆ I.

AD FORTVNATVM ET ANTHEMIVM.

Desponsatam in monasterio conuersam nullo damno mulctandam.

Gregorius Fortunato episcopo & Anthemio defensori.

CATELLVS præsentium lator nobis innotuit sororem suam, quæ Stephano cuidam fuerat desponsata, diuinæ propitiationis instinctu Neapoli in monasterio fuisse conuersam, atque eumdem Stephanum domum & res eius alias indebitē detinere. Et quia decreta legalia desponsatam, si conuerti voluerit, nullo omnino censuerunt damno mulctari, fraternitas tua vna cum Anthemio subdiacono veritatē diligenti curiositate studeat perscrutari. Et si, vt edoc̄ti sumus, domum vel quid aliud superscriptum Stephanum iniuste tenere cognoscitis, eum adhortatio vestra instanter admoneat, vt quæ indebitē detinet, sine aliqua mora vel altercatione restituat, ne rerum alienarum restitutionem sub qualibet excusationis specie differat. Quem si adhortationem vestram negligere fortasse cognoscitis, nobis tam hoc quam etiam qualiter se causæ veritas habeat subtiliter indicate, quatenus cognito negotii merito, aliter cogatur æquitate suadente restituere, quod facere propria sponte honestatis consideratione contemnit. Latorem vero præsentium fraternitati tuæ commendantes hortamur, vt eum illic moras pati hac pro causa diutius non permittat.